



Oppsummering:

Vi hadde ein veldig hyggeleg kveld saman på Valestrand skule 14. mars 2022. Deltakarane representert seg sjølv mest, men òg frivilligheita, lokale organisasjonar, kommunen og idretten. Det var berre vaksne som var med (frå cirka 30-70). Me jobba saman og endå med 4 prosjektidear som kan vere med å auka livskvalitet, samhaldet i bygda og på resten av Osterøy.

Verdiar og viktige mål:

Vi byrja med å dela forteljingar om kva som er det gode, fysiske livet på Osterøy. Folk set stor pris på naturen og moglegheiter rundt Valestrand/Hauge/Hjellvik/Hamre området. Det er mykje som er tilgjengeleg og eit fantastisk dugnadsånd som verkeleg får ting til. Dugnadene var nemnde som ein måte der lokalsamfunn verkeleg samlast på tvers av generasjonar. Brakabu er eit godt døme på dette. Brakvatnet, Hellandskletten, og Erstadfjellet var blant dei stadene folk set stor pris på og brukar både åleine og med familie og vener. Folk samlast rundt mange andre aktivitetar og både fotball, kor, fiske, og padling var nemnt. HAFO var spesielt diskutert som eit arrangement som bør haldast oppe sidan det samlar heile Osterøy, om ein er interessert i handball, fotball eller ingen av delene. Symjing var òg diskutert for å gi meistringskjensle og tryggleik i vatnet. Her kom det ynskje om at kommunen igjen opnar for familiebadning på Hatland i helgane. Open Water symjing var òg nemnd at det er mange gode moglegheiter for rundt Osterøy. Verdiar og viktige stikkord vart så knytte til kvar enkelt av desse forteljingane. Gjennom diskusjon fekk vi lista med verdiar ned til tre hovudverdiar eller -mål som vi skulle bruka til å utforma idear for framtida:




Prosjektidear:

Inspirert av desse 3 kriteria, kom vi fram til 4 prosjekt som kan gjere lokalsamfunnet til ein endå betre plass for folk i alle aldrar og bakgrunn. Ein sat i grupper og diskuterte følgjande:

Stupebrett og sjøbad på
Valestrand

Dette prosjektet skal få til eit stupebrett og tilrettelagt sjøbadområde i (nærleiken av) Valestrand. Fleire område vart diskuterte på Rundhovde og Reigstad. Det mest aktuelle var på Rundhovdesida. Området er lite, men ein håpar grunneigarane er positive til ei slik utvikling. Folk kan òg bada frå brygga til Arkoconsult!



OSTERØY
verkstadene
2022

Valestrand
skule

Møteplass Hamre

Dette prosjektet skal følgja opp opninga av Solkysten arena og vidareutvikla resten av den gamle fotballbana. Her vil elevane frå grendaskulen vera ein del av utviklinga og komma med idear og vera med å bygge. Det blir forhåpentlegvis eit grindabygg, pumptrack (eller sykkel hoppbane i grus) og ein tuftepark. 60-meteren må behaldast! Dette er eit prosjekt heile bygd kan vera med på og kan òg gjerast trinnvis om nødvendig.

Aktivitetssløype
Valestrand

Dette prosjektet har som mål å fortsetja utviklinga av ei aktivitetssløype rundt Valestrandvatnet. Her kunne det vore ein pumptrack og tuftepark for å samla folk på tvers av generasjonar. Området under Coop'en kunne òg utviklast til å vera ein fin stad å vera, kanskje med eit bordtennisbord? Og kva med badeplassen? Helselaget har allereie fått pengar til å rusta opp ballbingen. Det bør takast eit møte med kommunen for å finna ut kva som ein lettast kan få til i samarbeid med alle interesserte.

Møteplass Hauge

Dette prosjektet skal identifisera og utvikla ein aktivitets- og møteplass på Hauge, noko som manglar i dag. Området nedanfor barnehagen var diskutert sidan det er lett tilgjengeleg og er veldig ope. Her er òg forholdsvis lett å få til belysning. Kommunen eig området og det bør vera enkelt å få til ein disponeringsavtale med dei.

Vidare:

Først og fremst, håper me òg at gjennom diskusjonane vart de inspirert til å fortsetja arbeidet med desse prosjekta sjølv. Verdiane og prosjektideane som kom frå denne verkstaden kjem til å påverka utforming av den nye kommunedelplan for idrett og fysisk aktivitet. De har òg moglegheita til å søka finansiering (opptil 10 000NOK) frå MED-fondet (dette blir delt ut fortløpande fram til det er tomt). MED-fondet støttar lokale prosjekt der fokuset er på barn og ungdom, men også læring og samarbeid på tvers av generasjonar (<https://bit.ly/medfond>)

Tusen takk for ein fantastisk verkstad!

Kontakt:

Kommunedelplan for idrett og fysisk aktivitet: Linda Svidal Nordås (linda.svidal.nordas@osteroy.kommune.no) ,
Wenche-Mari Bliksås (wenche-mari.bliksas@osteroy.kommune.no)
MED-Osterøy Ivar Sandgren (frem til 1. april) (Ivar.Sandgren@osteroy.kommune.no), og Mathew Stiller-Reeve (mathew@stillerreeve.no)